

SCRIPTA

Numéro Scripta : 4856

Auteur(s) : Alice Saudebreuil [particulier]

Bénéficiaire(s) : Pont-de-l'Arche, Notre-Dame de Bonport (abbaye)

Genre d'acte : charte

Authenticité : non suspect

Datation : 1250, mai

Action juridique : vente

Langue du texte : latin

Analyse

Alice Saudebreuil, du consentement de son mari, vend aux religieux de Bonport un tènement à Rouen.

Tableau de la tradition

Éditions principales

a. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissé, 1862, n° CLXXX, p. 183-184.

Texte établi d'après a

Noverint universi, tam presentes quam futuri, quod ego Aalicia, filia Yberti Clerici, assensu et voluntate Radulphi Sautdebroel, mariti mei, vendidi et omnino reliqui abbati et conventui Boni Portus, Cisterciensis ordinis, Ebroicensis dyocesis, quoddam tenementum ligneum et lapideum cum pertinentiis suis, situm in parrochia Sancti Machuti Rothomagensis, in vico de Mala Palude, inter domos dictorum abbatis et conventus, ex una parte, et tenementa Alicie Mordret et heredum Gilleberti Mordret, ex altera, sicuti se proportat, a vico per ante, usque ad terram heredum Matildis de Mara, per retro: tenendum et habendum in perpetuum dictis religiosis libere et quiete, et ad faciendum inde penitus suam voluntatem, salvo jure dominico. Et tenemur, tam ego predicta Alicia et Radulphus, maritus meus, quam nostri heredes, omnia prenomina dictis religiosis in omnibus et contra omnes deffendere et garantizare. Et pro hac garantizatione et venditione dederunt michi pre manibus dicti religiosi triginta et una libras et dimidiam turonensium de quibus me teneo pro pagata. Juravimus insuper ego Alicia et Radulphus, maritus meus, spontanea voluntate, quod in dicto tenemento et pertinentiis ejus ratione dotalicii, hereditatis, possessionis, sive aliqua alia ratione, nobis modo vel de cetero competenti, nichil reclamabimus, immo dictos religiosos super premissis in omnibus conservabimus indempnes. In cujus rei testimonium, ad petitionem nostram, venerabiles viri prior et capitulum Sancti Laudi Rothomagensis, una cum sigillis nostris, presentibus litteris sua apposuerunt sigilla. Actum anno Domini M° CC° quinquagesimo, mense maii.